



Broj: 01-02-3353/25-1
Lukavac, 03.03.2026. godine

Na osnovu člana 13. stav 3. Zakona o pripadnosti javnih prihoda u FBiH („Službene novine FBiH“, broj: 22/06), člana 8. stav 3. alineja 20. i člana 36. Zakona o principima lokalne samouprave („Službene novine FBiH“, broj: 49/06), a u vezi sa članom 1. stav 3. Zakona o poreznoj upravi FBiH („Službene novine FBiH“, broj: 33/02, 28/04, 57/09, 40/10, 27/12, 07/13, 71/14, 91/15 i 44/22) i člana 23. Statuta Grada Lukavac („Službeni glasnik Grada Lukavac“, broj: 14/25), Gradsko vijeće Lukavac, na 14. redovnoj sjednici održanoj 27.02.2026. godine, donijelo je

ODLUKU

o izmjenama Odluke o komunalnim taksama

Član 1.

U Odluci o komunalnim taksama („Službeni glasnik Grada Lukavac“, broj: 15/25) – (u daljem tekstu: Odluka) u član 12. stav 1., mijenja se i glasi:

„(1) Cjelokupan iznos takse, obeznik je dužan uplatiti u roku 30 dana od dana izdavanja rješenja, odnosno prijave takse poreznoj upravi.“

U istom članu stavovi (2) i (3) se brišu, a stav (4) postaje stav (2).

Član 2.

U Dijelu A Odluke, Tarifa br. 1 (privremeno zauzimanje javnih površina) dodaje se nova alineja i glasi:

Svrha privremenog zauzimanja javnih površina	Iznos takse (KM/m ² /dnevno)
Praznična prodaja cvijeća	10,00

Član 3.

U Dijelu E Odluke, Tarifa br. 5 (korištenje lokalnih cesta i javnih površina), mijenja se i glasi:

Teretna vozila ukupne tehničke dopuštene mase	Nulta zona KM/mjesečno	I zona KM/mjesečno	II zona KM/mjesečno	III zona KM/mjesečno
Do 3.500 kg	20,00	15,00	10,00	5,00
Od 3.501 do 7.500 kg	30,00	25,00	20,00	15,00
Od 7.501 do 12.000 kg	50,00	45,00	40,00	35,00
Od 12.001 do 18.000 kg	60,00	55,00	50,00	45,00
Preko 18.001 kg	70,00	65,00	60,00	55,00

Taksa plaćena za nultu zonu vrijedi i za sve ostale zone, taksa plaćena za I zonu vrijedi i za II i III zonu, taksa plaćena za II zonu vrijedi i za III zonu.

Član 4.

U članu 16. Odluke dodaju se tačke g) i h) koje glase:

g) Pravna i fizička lica sa sjedištem na području Grada Lukavac za teretna vozila ukupne tehničke dopuštene mase do 3.500 kg koja služe za obavljanje registrovane djelatnosti,

h) Poljoprivredni proizvođači upisani u registar koji vodi nadležna služba za teretna vozila ukupne tehničke dopuštene mase od 3.500 kg koji imaju registrovan prijevoz za vlastite potrebe – potrebe poljoprivredne djelatnosti.

Član 5.

Ova Odluka stupa na snagu danom objavljivanja u „Službenom glasniku Grada Lukavac“.

PREDSJEDAVAJUĆI
GRADSKOG VIJEĆA
Midhat Sarajlić, dipl.ecc., s.r.